



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

ix Königundis ein Christliche Keyserin.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

verheissen vnnnd versichere seindt / für die rechte Christliche Mess / Vnd dergleichen bekanden sie von andern Christlichen Artickeln mehr. Also wurde erstlich Maria die älteste / zu einem schrecken Ursula der Jüngern / verbrandt / Vnnnd dieweil auch Ursula beständig bliebe / wurde sie auch verbrandt. Das wunderwerck hat sich begeben / daß der Hencker die todten Körper nicht kunn verbrinnen / sonder blieben bloß stehen / vnnnd wurden bey Nacht von den frommen Christen zugedecket. Danon ist ein hübsch vñ Christlich Lied außgangen / im 1545 Jar.

Gor
G
ir
Kün-
gundis.

Diese ist ein keusche vnd Christliche Frau / vnnnd ein Ehegemahel Kaysers Heinrichs des andern gewesen / Sie haben in ihrem Ehelichen standt ganz friedlich / keusch / vñ züchtig gelebt. Durch ihr beyder anregen ward König Stephan zu Ungern / welchem er sein Schwester vermählet / mit grosser menge des Ungarischen Volcks zu Christlicher erkandnuß gebracht. Dieser Heinrich vnd Künigunda haben viel herrlicher Stifft / als zu erhaltung des Christlichen glaubens / vnd zu auffbauung der Christliche jugend / auffgerichtet / vñ reichlich

lich mit jährlichem einkommen begabet. Dar-
von wir droben von Henrico II. gesaget ha-
ben.

Dieser ist ein Christlicher vnd hochgelerter
Bischoff gewesen / Er hat auch inn verirr-
ung der Christlichen Kirchen zu Rom in sei-
nem Bischofflichen Ampt / viel herzenleid vnd
anfechtung erlitten. Er hat nicht allein gegen-
wertig vnd mündlich / sonder auch durch viel
schöne vnd Christliche Sendbrieff / die außlan-
dische betrübtten Kirchen getröstet / vnd zu be-
ständiger bekandnuß vermahnet. Er hat sein
elendt vnd trübsal / so er vmb warer Christi-
cher bekandnuß willen erlitten / ganz artig vnd
zierlich Carmine beschriebē. Hat auch ein be-
trachtung gestellet / von dem elendt vnd trübsal
des Menschlichen lebens.

Von Sancto Hilario Aquitano, haben
wir droben meldung gethan. Ein anderer aber
Hilarion genandt / ist ein Einsideler gewesen /
vnd hat gelebet zu der zeit Constantij Imp.
Daruon thut ordenlich meldung Sanct Hie-
ronymus.

gon

H

r

Hildeber-
tus.

Dieser